

欽定四庫全書
焦氏易林卷四

漢 焦贛 撰

欽定四庫全書

焦氏易林卷三

漢 焦贛 撰

咸之第三十一

咸 雌單獨居歸其本巢毛羽憔悴志如死灰

乾 小窻多明道理通仁賢君子國安不僵

坤 心惡來怪衝衝何懼顏淵子騫尼父聖誨

屯 鳥嗚呼子哺以酒脯高棲水起來歸其母

姤之第四十四

姤 河伯大呼津不可渡往復示故乃無大悔

乾 蒙被恩澤長大成就柔順利貞君臣合好

坤 東山西山各自止安雖欲登望竟不同堂

屯 登山上谷與虎相觸謂為功曹班奴奔北脫之嘉

欽定四庫全書

國

蒙 躓跌未起失利後市不得鹿子

需 結珠懷履早夜以思為君奴婢

訟 鷄鳴失時民僑勞苦犬吠不休行者稽留

師 陳媯敬仲北興齊姜營丘立遼八世大昌

比 鹿畏人匿俱入深谷短命不長為虎所得死於牙

腹

小畜 言無約結不成券契殷叔季姬公孫爭之強入

定庫書
欽四全

焦氏易林

二

中國書局

B992.2
03
V2

014037630

漢·焦贛 撰

焦氏易林

(二)



中國書局

B992.2
03
V2



圖書在版編目 (C I P) 數據

焦氏易林 / (漢) 焦贛撰. — 影印本. — 北京 :
中國書店, 2014.1

ISBN 978-7-5149-1002-5

I. ①焦… II. ①焦… III. ①占卜 - 中國 - 古代
IV. ①B992.2

中國版本圖書館CIP數據核字(2013)第263833號

四庫全書·術數類

焦氏易林

作者 漢·焦贛撰

出版發行 中國書店

北京市西城區琉璃廠東街一一五號

一〇〇〇五〇

北京中創彩色印刷有限公司

730毫米×1130毫米 1/16

42

二〇一四年一月第一版第一次印刷

ISBN 978-7-5149-1002-5

一一八元 (全二冊)



北航

C1726041

014031230

英
新
書
社

熱刃易林

(二)



中國書局

詳校官內閣中書臣潘有為

膳錄監生臣黎士烜

欽定四庫全書

焦氏易林卷三

漢焦贛撰

咸之第三十一

咸 雌單獨居歸其本巢毛羽憔悴志如死灰
乾 小窻多明道理利通仁賢君子國安不僵
坤 心惡來怪衝衝何懼顏淵子騫尼父聖誨
屯 鳥鳴呼子哺以酒脯高樓水起來歸其母

蒙國馬生角陰孽萌作變易常服君失其宅

需入年多悔耕獲不富衡門屢空使士失意

訟諸孺行賈遠涉山阻與旅為市不危不殆利得十

倍

師梁破橋壞水深多畏陳鄭之間絕不得前

比雙鳧俱飛以歸稻池經涉灌澤為矢所傷損我胸

臆

小畜謾誕不成佶梁滅文許人買牛三夫爭之失利

後時公孫懷憂

履南國饑凶民食糟糠少子困捕利無所得

泰狗吠非主狼虎夜擾驚我東西不為家咎

否望龍無目不見手足入水求玉失其所欲

同人以鹿為馬欺誤其主聞言不信三口為咎黃龍

三子中樂不殆

大有養幼新婚未能出門登宋望齊不見太師

謙王孫貴子相與為友明允篤誠升擢薦舉

豫 山水暴怒壞梁折柱羈旅難行畱連愁苦

隨 鷓鴣徙巢西至平州遭逢雷電碎我茗蘆室家饑

寒思吾故初

盞 登高傷軸上阪棄粟販鹽不利市賈折閱

臨 祝鮀王孫能事鬼神節用綏民衛國以存眉壽多

年

觀 九里十山道却峻難牛馬不前復反來還

還一作道

噬嗑 枯樹不花空淵無魚舊鳥飛翔利棄我去

賁 雄狐綏綏登山崔嵬昭告顯功大福允興

剝 啞啞笑言與歡飲酒長樂行觴千秋起舞拜受大

福

復 大椎破轂長舌亂國牀第之言三世不安

无妄 男女合室三姓同食婚姻孔云宜我孝孫

三疑作二

大畜 千仞之墻不得入門金籠鐵疏利以避兵欲上

南阪軸方不轉還車復反

頤 華言風語亂相誑誤終無凶事安寧如故

大過 汎汎栢舟流行不休耽耽寐寐公懷大憂仁不

遇時退隱窮居

坎 大尾小頭重不可搖上弱下強陰制其雄

離 一身三口語無所主東西南北迷惑失道

恒 南行求福與喜相得受封上賞鼎足輔國

晉之謙同

遯 過時不歸雌雄苦悲徘徊外國與母分離

大壯 堯舜在國陰陽和德繪象衣裳彰施無殃

晉 周公之隆越裳夷通疾病多祟鬼哭其公狼子野

心客宿不同

明夷 申酉脫服牛馬依息君子以安勞者得權

家人 凱風無母何恃何怙幼孤弱子為人所苦

睽 出門上堂從容牖房不失其常天牢地戶勞者憂

苦

蹇 天厭周德命與南國以禮靜民兵革休息

解 拔旆投衡佐鬪者傷暴臣反國良臣被殃

損 合歡之國嘉喜我福東岳南山朝濟成恩

益耕石不生棄禮無名縫衣失針襦袴不成
夫聾瞽闇盲跛倚不行坐戶子體身被大災困其多

憂

姤生長太平仁政流行四方歸德社稷康榮

萃桀跖並處民人愁苦持兵荷戟戰于齊魯合邕得

牢姬姜並居

升南與凶俱破車失襦西行無袴亡其實賂

困空槽注器豚彘不至張弓祝雞雄父飛去

井 望尚阿衡太宰周公藩屏湯武立為王侯
革 朝鮮之地姬伯所保宜家宜人業處子孫

鼎 息憂解笑故貧今富載樂履善與福俱憂
下憂字疑當作

優

震 叔迎伯兄遇巷在陽君子季姬並坐鼓簧

艮 順風縱火艾芝俱亡三官集房十子中傷
剝之坤作三害

集房十子中傷

漸 駕車八里求鮮魴鯉非吾肆居自令失市君子所

在安無危殆

歸妹 拔劍傷手見敵不起良臣無佐困辱為苦

豐 亂君之門佐鬪傷跟營私貪祿身為悔殘東下秦

山見我所歡

旅 慈母望子遙思不已久客外野使我心苦

巽 魴生淮卻一轉為百周流四海無有患惡

淮卻一作江雒

兌 甘露醴泉太平機關仁德感應歲樂民安

渙 采薇出車魚麗思初工下役急君子免憂

節 豕生魚魴鼠舞庭堂奸佞施毒上下昏荒君失其

邦

中孚 三頭六目道畏難宿寒苦之國利不可得

小過 燕雀銜茅以資孕字兄弟六人懽好孝悌各同心

願和悅相樂

既濟 文君德義仁聖致福年無胎夭國富民實卧者

在室層累益息

未濟 秋梁未成無以至陳水深難涉使我不前

恒之第三十二

恒 黃帝所生伏羲之宇兵力不至利以居止

乾 登墀踣足南行折角長夜之室不逢忠直

坤 燕雀哀老悲鳴入海憂在不飾差池其羽頡頏工

下寡位獨處

屯 闕門除憂伯自外來切切之患我心得歡切切疑當作切

切

蒙 郊耕擇耜有所疑止空虛無子蒙昧不知